

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

রবিবার, জুলাই ২৮, ২০১৩

গণপ্রজাতন্ত্রী বাংলাদেশ সরকার

স্থানীয় সরকার, পট্টী উন্নয়ন ও সমবায় মন্ত্রণালয়

স্থানীয় সরকার বিভাগ

প্রজ্ঞাপন

তারিখ, ৭ শ্রাবণ ১৪২০ বঙ্গাব্দ/২২ জুলাই ২০১৩ খ্রিস্টাব্দ

এস, আর, ও নং ২৫৩-আইন/২০১৩।—স্থানীয় সরকার (ইউনিয়ন পরিষদ) আইন, ২০০৯ (২০০৯ সনের ৬১নং আইন) এর ধারা ৯৬ এর দফা (ঙ) এ প্রদত্ত ক্ষমতাবলে সরকার স্থানীয় সরকার (ইউনিয়ন পরিষদ) কর্মচারী চাকুরী বিধিমালা, ২০১১ এর নিম্নরূপ সংশোধন করিল, যথাঃ—

উপরি-উক্ত বিধিমালা—

(১) বিধি ২ এর—

(ক) দফা (ট) এর পরিবর্তে নিম্নরূপ দফা (ট) প্রতিস্থাপিত হইবে, যথাঃ—

“(ট) “নিয়োগকারী কর্তৃপক্ষ” অর্থ সচিব পদের ক্ষেত্রে জেলা প্রশাসক এবং অন্যান্য পদের ক্ষেত্রে উপজেলা নির্বাহী অফিসার;” এবং

(খ) দফা (প) এর পরিবর্তে নিম্নরূপ দফা (প) প্রতিস্থাপিত হইবে, যথাঃ—

“(প) “হিসাব রক্ষণ কর্মকর্তা” অর্থ জেলা অথবা, ক্ষেত্রমত, উপজেলা হিসাব রক্ষণ কর্মকর্তা;”;

(৬৫৩৫)

মূল্য : টাকা ৪.০০

(২) বিধি ৭ এর পরিবর্তে নিম্নরূপ বিধি ৭ প্রতিস্থাপিত হইবে, যথা :—

“৭। বাছাই কমিটি।—(১) সচিব পদে নিয়োগের ক্ষেত্রে জেলা প্রশাসক এবং অন্যান্য পদে সরাসরি বা পদোন্নতির মাধ্যমে নিয়োগের ক্ষেত্রে উপজেলা নির্বাহী অফিসার বাছাই কমিটি গঠন করিবেন।

(২) বাছাই কমিটির সুপারিশের ভিত্তিতে কোন পদে সরাসরি বা পদোন্নতির মাধ্যমে নিয়োগ করা যাইবে।”

(৩) বিধি ৮ এর পরিবর্তে নিম্নরূপ বিধি ৮ প্রতিস্থাপিত হইবে, যথা :—

“৮। বেতন ও ভাতা।—সরকারি কর্মচারীদের ক্ষেত্রে প্রযোজ্য জাতীয় বেতনস্কেল এর আলোকে কর্মচারীদের বেতন ও ভাতা নির্ধারণ করিতে হইবে।”

(৪) বিধি ২৪ এর উপ-বিধি ২ এর পরিবর্তে নিম্নরূপ উপ-বিধি (২) ও (৩) প্রতিস্থাপিত হইবে, যথা :—

“(২) ৫(পাঁচ) দিনের অধিক নৈমিত্তিক ছুটিসহ অন্যান্য ছুটির আবেদন ইউনিয়ন পরিষদ কর্তৃক নির্ধারিত ফরমে উপজেলা নির্বাহী অফিসারের নিকট দাখিল করিতে হইবে।

(৩) উপ-বিধি (২) এ যথা কিছুই থাকুক না কেন, চেয়ারম্যান কর্মচারীদের নৈমিত্তিক ছুটি মঞ্জুর করিবেন :

তবে শর্ত থাকে যে, তিনি একত্রে ৫(পাঁচ) দিনের অধিক নৈমিত্তিক ছুটি মঞ্জুর করিতে পারিবেন না।”

(৫) বিধি ২৭ এর উপ-বিধি (২) এর পরিবর্তে নিম্নরূপ উপ-বিধি (২) প্রতিস্থাপিত হইবে, যথা :—

“(২) উপজেলা নির্বাহী অফিসার চেয়ারম্যানের সুপারিশের ভিত্তিতে ভ্রমণ ভাতা মঞ্জুর করিতে পারিবেন।”

রট্টেপতির আদেশক্রমে

আবু আলম মোঃ মহিদ খান
সচিব।